



大明英宗睿皇帝實錄

廢帝邸戾王附錄

景泰四年八月乙酉朔

太上皇帝居南宮 陞戶部右侍郎孟鑑為本部左
侍郎調兵部右侍郎李賢為戶部右侍郎 直隸
徽州府婺源縣儒生朱榘奏係文公熹九世孫乞
入國子監讀書從之 陞錦衣衛帶俸指揮使吳
安為前軍都督府左都督南京錦衣衛帶俸指揮
使吳信為南京前衛都督府左都督 直隸真定
河間廣平安順河南彰德山西平陽諸府各奏數

月不雨直隸松江府奏今夏蝗蝻生發傷害禾稼
租稅無徵事下戶部令覆視以聞禮科都給事
中張軾奏今順天府鄉試取士聞各處舉保儒士
其間多有文理不通已為翰林院考黜為民乃久
延京師冒軍民籍入試以圖僥倖請勅禮部轉行
順天府嚴加審察不許入試違者連坐其罪從之
征進湖廣貴州總兵官保定伯梁瑤奏違官違
軍都督僉事克羅俄領占等在湖廣等處殺敗苗
賊累立奇功今仍留在彼操守俸給有限用度孔
艱乞勅巡撫湖廣右都御史李實將彼處每歲秋

上糧折色并贖罰銀布按季送赴都督陳友處賞勞
庶使盡効忠勤以禦邊寇從之戶部養病主事

鍾成奏黃河衝決被其患者尤莫甚於原武縣蓋

原武北自舊黃河黑羊山界南自古汴河陳橋鋪
界相去五十餘里水皆浸灌縣治居其中於今已

六十年矣男欲耕而無高燥之地女欲織而無蚕桑
之所束手愁嘆坐待其斃屢蒙朝廷發廩賑濟然

水患未除民飢無已倉廩之積恐不能繼乞勅有

司跡濬築塞以消水患轉運隣近糧儲以備賑濟

從之朝鮮國王李弘晞遣陪臣李仍孫等奉表

貢馬及方物賀王喜吃和進計月十日
萬壽聖節賜宴并金織絳綵襲衣綵幣表裏等物

丁亥未刻乃會集二府於下
萬壽聖節遣官祭

長陵

獻陵

景陵

帝詣

奉先殿

上聖皇太后宮

皇太后宮行禮畢出御奉天殿受朝賀大宴文武群

臣及四夷朝使 釋奠先師孔子遣太子少師戶

部右侍郎兼翰林院學士蕭鑑行禮 禮部奏比

者浙江備倭都指揮僉事馬良等擒獲賊徒文吞

只等五人送部審得吞只等係朝鮮國漁戶入海

捕魚遭風壞船漂流海島遇巡海官軍擒獲今朝

鮮國王遣陪臣李仍孫等朝貢至京宜給與衣糧

就令仍孫等領回以示優待遠夷之意從之

戊子

祭

太社

太稷 復鎮國將軍幼墀夫人宋氏家從沁源王侁
準奏請也

命陝西行都司都指揮僉事李貴往莊浪地方代都
指揮劉傑操練軍馬以傑有疾也 移廣東廣州
府東莞縣官富巡檢司於屯門村以舊署隔涉海
道而新治為要衝地也 永興王志懣奏患風疾
乏藥治療乞賜片腦犀角沉香等藥命太醫院給
與之

皇已丑

陞廣東布政司左參議陳贄為太常寺少卿贄以
事至京少保陳循等奏保其學行慎篤乞留任京
職故有是命以刑部雲南司主事吳節署本司郎
中事陝西司主事瞿泰安署本司員外郎事 禮
科給事中周監言曩者太子太保王文建言巡按
公差御史回京復命務舉貪污方面官一人不劾
者論以不稱其方面及直隸府官公差考滿到京
亦令舉劾屬官一人臣惟方面之員有定御史之
差無窮必致妄劾方面官以塞責比及二三年方
面官殆盡矣適者

皇上勅遣巡撫大臣考察明年朝覲又該吏部會官
考選而方面官多自年深稱職京官陞授是今日
之方面官即前日之稱職京官也豈有初為京官
俱得稱職纔陞方面即被黜罷况舊例御史巡按
體察方面等官貪酷得實者即時奏請拿問豈可
縱其蠹政害民延至復命之時乃糾劾以免已罪
其方面官所屬有貪酷等項亦當即時奏請執問
不必容其在任害民直至公差考滿到京舉劾也
惟於廉能者御史候復命方面候公差到京具名
上吏部以俟旌擢如此則廉能者有久任責成之

道貪酷者無苟延歲月之弊庶幾民生安而治道
成詔以其言有理命禮部仍遵舊制行 裁省雲
南麗江軍民府知事照磨檢校各一員以事簡故
也

命存留河南開封等府該輸京儲五萬石於本處賑
濟

辛卯

命廣西布政司左叅議趙全按察司僉事莊琛廣東
按察司僉事吳伯輔致仕以考察其老疾不任事
也 賜會昌伯孫繼宗誥命并封其妻丁氏為夫

人從維宗奏請也 陞雲南府同知劉讓為本府
知府先是軍民告保護持心端恪處事寬平堪任
府正總兵官都督同知沐璘等竅實以聞故陞之
神機營把總管操都指揮李杲因公杖死部卒
而妄以病死奏刑部按驗生贖徒還職 周府昨
城王有僑薨王周定玉第十四子母李氏永樂九
年生宣德二年母封至是薨年四十三計聞輟視
朝一日謚莊簡遣官致祭命有司營葬 河南按
察司僉事劉清奏東南漕舟水淺弗能進可自淮
入黃河至滎澤轉入沁河經武陟縣馬曲灣裝載

岡頭濬一百十九里以通衛河張秋之決由沁水
合黃河遂成奔急之勢若引沁水入衛河則張秋
無衝決之患矣行人王晏亦言開岡頭置閘分沁
水使南入黃河北達衛河水漲即閉閘如此漕運
可永無患衛輝稅糧十四萬餘每一石令民出石
一尺可得一萬四千餘丈糧一石令挑河二尺可
挑一百六十餘里今所濬地不過百三十里免衛
輝一府糧可成其事何恤此小費而棄莫大之利
也章上詔令總督漕運右僉都御史王竑等覆實
以聞 南京戶部尚書沈翼奏先因濟寧諸處水

災轉運淮安府常盈倉糧十五萬於彼賑濟今秋成在途彼處已有別項糧儲足給民食乞將所運常盈倉米轉運京師又言此者出內帑白金三萬兩命侍郎鄒幹等於濟寧徐州諸處濟民今幹等已於德州淮安二處官廩出米用白金五千餘兩就舟輓運賑濟餘未用者宜令仍還內帑又言巡河風憲等官每獲運糧官單所載私貨即沒入所在官司及至支用多有貿易侵欺今後宜令牙僧當時估直易米上倉從之

壬辰

命太常寺少卿兼翰林院侍讀學士陳詢侍講學士兼右春坊右中允呂原為順天府鄉試考官賜宴於本府

賜南京工部尚書兼大理寺卿王來誥命并封贈其祖父母父母妻從來請也 陞山東道監察御史劉孜為山東按察司按察使貴州道監察御史白仲賢為廣東按察使尋降仲賢為直隸鎮江府知府時山東廣東闕按察使吏部推舉監察御史四人堪任遂以命孜仲賢吏科都給事中林聰等劾奏仲賢斗筲小器惟事奔競難勝重任遂降知府

封晉府方山王庶長子鍾鏡庶次子鍾鏡俱為
鎮國將軍賜誥命冠服

命致仕陝西都指揮僉事蔣禎子忠代為指揮同知

癸巳

蠲山東兗州東昌二府今年被災田地稅糧三萬
八千三百石有奇一鎮守陝西刑部右侍郎耿九
疇言陝西山西二處極臨邊境闕官撫任乞令司
府州縣應朝覲官員類造文冊繳送吏部免其詣
京從之一禮部奏邇因濟寧徐州飢勅巡撫官權
宜拯濟而臨清縣儒學增廣生員王銘等四人各

願輸米五百石入國子監讀書雖云權宜實壞士
習請弛其令庶生徒以學行相勵從之

甲子

兵部奏來降韃子言虜酋也先與其主脫脫卜花
交戰脫脫卜花為也先所敗逃往其姻家尤良哈
頭目沙不丹處遂為沙不丹所殺也先今已立為
王凡故元頭目苗裔無不見殺又有被虜走回軍
言也先宰白馬九黑牛五祭天約八月間往西南
回回地面并甘州虜掠雖傳聞之言未可盡信然
盡日邊報絡繹不絕宜移文沿邊總兵鎮守等官

嚴為提備從之不少保兼太子太傅工部尚書東
閣大學士高穀夫人郭氏卒遣官賜祭命有司營
葬乙未祭三川城隍等神遣旗手衛官祭旗纛之神
蠲福建福州興化二府去年被灾田地稅糧十之
三漳州泉州二府被灾田地稅糧十之五總督
漕運右僉都御史王竑奏比因直隸徐州鳳陽并
山東河南荒歉民多流徙起食臣委官於河上每
遇經過舟船量令出米煮粥給之賴以存活者一

帝百八十八萬八千五百餘人又多方勸諭殷實之
家出米麥穀粟二十五萬七千三百四十石有奇
銀三千六百七十餘兩銅錢綿布半之給與彼灾
者五十五萬七千四百七十九家其缺農具種子
者七萬四千三百九十七家臣亦以官物給之流
入外境而招撫復業者五千五百九十三家外境
流來而安輯之者一萬六百餘家即今人頗安業
盜賊稀少較之去冬不侔是皆朝廷恩德之所致
也奏入詔嘉賞之占城國王摩訶貴由遣通事
陳真等來朝貢方物賜宴并綵幣表裏紵絲龍衣

等物
丁酉
遣順天府官祭宋丞相文天祥
戊戌
陞廣西布政司右叅政方員為廣東按察司按察使
使由吏部推舉也
都察院右都御史洪英先是往浙江考察官吏以私意黜退按察使陳璇鎮守都督李信又奏其紊亂軍政考察不當言官劾英操行不端風紀不振詔徵英至以老疾乞歸
帝曰英有罪自當待命乃欲致仕求免不聽其去遂

下刑部獄論贖徒命贖畢送吏部調用尋命致仕
定萬全等處中鹽例淮瀾長蘆鹽共一十八萬引召商於萬全廣盈倉及柴溝堡倉中淮鹽者每引米豆四斗五升浙鹽三斗五升長蘆鹽二斗五升懷安廣備倉中納者遞減三升
勅晉府鎮國將軍美塔曰茲得寧王奏爾占用軍餘及尔怒罵狂惡等情朕念爾兄弟俱為宗室之親命各宜安分循理保守富貴勅至爾無此事則已如有急宜痛自修省改過從善已勅寧化王與尔務相和睦以全同氣之誼毋或貽前非如違

祖宗之法具在朕不爾私爾其宥之

庚子

命致仕四川都指揮僉事朱忠子誠代為指揮同知
萬全署都指揮僉事高榮子龍代為指揮使
賞
征勦廣西柳州等府洛容等縣賊寇有功官軍士
兵人等一千三百五十三人都督等官各鈔一千
貫絲段三表裏都指揮等官各鈔八百貫絲段二
表裏指揮等官各鈔六百貫絲段一表裏千戶等
官各鈔六百貫絹三匹百戶巡檢典史等官各鈔
五百貫絹二匹旗軍土兵民壯人等各鈔三百貫

絹一匹琉球國中山王尚金福遣通事程鴻等

奉表來朝貢馬及方物賜宴并鈔絲幣表裏有差

總兵官武清侯石亨奏母楊氏於原籍渭南縣

病故乞奔喪詔不允令其侄千戶冲等代行仍令

禮部給絹布共百匹以^為葬祭之用夜有流星

大如雞彈色赤有光出鬼宿東行至軒轅

辛丑

造通州大運中倉

壬寅

大理寺右少卿張固以公幹還命仍掌本寺事

癸卯

命以江西折糧銀一萬兩於遵化密雲二處易米足
邊遣監察御史張璣等同錦衣衛千戶等官分
捕畿內盜賊從錦衣衛指揮同知畢旺等奏請也
甲辰

命今後軍民自虜中回者勿收其馬仍以給之巡撫
湖廣右都御史李實奏四川董卜韓胡宣慰司番
僧國師禪師刺麻進貢畢日許帶食茶回還因此
貨賣私茶至萬數千斤及銅鉄磁錫等器用沿塗
多用人船載至成都陸路起夫扛擡且如邛縣十

里名山縣二里營經縣四里雅州十里其間半係
僦夷土民不慣肩挑多是背負送運不前又令婦
女扛擡甚至四五百之程及其至日誣以偷取茶
物逼令陪補况山嶺險峻人烟稀疎日則野行夜
則荒宿以彼蠻夷淫汚之俗亂我華夏淳美之風
又經過驛站重索酒食稍有不從輒用兵刃傷人
雖有伴送千百戶難於鈐束邊民見其進貢得利
故將子孫學其言語投作番僧通事混同進貢請
勅都察院禁約今後私通番僧貿易茶貨銅鉄磁
錫器物及將子孫投作番僧通事者俱發口外充

軍四隣不首坐以違制之罪其番僧十名以下不
必遣官止令旗軍伴送務必鈐束嚴切不許似前
生事擾民違者治罪如此則外夷服化而絕放肆
之為良善獲安而免凌虐之患從之

乙巳

戶科給事中何陞奏清軍御史在外年久人情稔
熟難於行事乞三年一代從之兵部奏廣西藤
縣蠻賊生發都指揮羅震失機把總指揮吳俊為
賊所執仍復放回恐有交通賊寇情弊乞行巡按
御史提問從之

新水王貴媿奏府治損壞臣欲

鳩工脩理然資財不給乞於景泰四年五年歲祿
全支本色米以資應用從之

賜太常寺卿許彬誥命并封贈其祖父母父母妻從
彬奏請也

丙午
脫脫下花工部下達子答失苦咄來歸命為所鎮
撫南京錦衣衛帶俸永興王志璞奏臣歲祿二
千石臣子鎮國將軍公鑛歲祿一千石俱支本色
米五百石然臣宮眷頗多用度不足乞如樂平王
例令臣父子歲祿俱支本色米七百石從之

子監祭酒王恂言監生生堂年深方撥辦事歷事
今因放回依親故坐堂年深者少乞別定例章下
禮部議今後監生生堂五年者辦事歷事二年出
身坐堂四年者辦事歷事三年出身坐堂三年者
辦事歷事四年出身坐堂一年二年者止令辦事
不許歷事出身候依親監生復監數多之日再行
定奪從之 湖廣按察司副使上官尹以老病乞
致仕從之 月犯井宿彗星 廿六日彗星於
戊申 廿六日彗星於
召南京大理寺卿薛瑄至京調為大理寺卿 太

子少保兼工部尚書石璞得請歸省給事中國盛
等劾奏璞奉命往治沙灣未有成效正宜日夜勤
勞求付上意乃詐以母老詭辭請去於三過其門
不入者異矣宜下法司治罪詔工部移文令璞速
赴沙灣毋致誤事 保定侯梁瑤奏辭其侄冠帶
總旗福及家人總旗琴童等四人職役庶不虛費
糧賞從之 巡撫廣東兵部左侍郎揭稽以老疾
乞致仕不許 吏科給事中曹衡言比者以福建
等處盜賊竊發由有司貪酷不才所致皆降職示
罰今通州知州夏昂奏准許令各處鎮守等官荐

拔則此輩皆以出位而後來者無所戒矣請
下昂於法
帝曰建言人不必究問鎮守等官薦人務秉至公不
可徇私濫舉
已酉
封永興王輔國將軍公錡妹為墊屋郡君配吳理
命理為宗人府儀賓賜詰命鞍馬等物
給毅勇
等十營官軍馬五千八百餘匹
禮部奏近年官
員軍民匠役之家子弟往往私自投師習學番字
希入翰林院四夷館及至考試不惟字畫粗拙而

且文理不通豈堪為用今後乞依永樂年間例於
國子監揀選年幼聰俊監生送館習學三年依例
考試中式者以譯字官不中者仍令習學以待再
試庶革奔競之風而得實才之用從之

庚戌

命福建故都指揮僉事鄧安子鎬襲為指揮僉事致
仕都指揮僉事徐信孫鉞代為指揮同知
召大
同總兵官定襄伯郭登回京治疾
實授署都督
同知郭震為都督同知充總兵官佩征西前將軍
印鎮守大同署都督僉事顏彪為都督僉事充右

叅將協同鎮守

辛卯

給潘府鄆陽縣主并儀賓閔閔苛嵐縣主并儀賓
栗熊歲祿各六百石米鈔兼支 屯河衛指揮使
哈三哈先為達賊所虜至是挈家來歸仍授原職
送南京錦衣衛帶俸 巡按直隸監察御史程墩
言國子監為天下學校之首偏在京城東北隅乞
勅工部於今年秋成之後遷于東長安街之南改
創基圖葺胡元之舊址增輝丹堊立當代之新規
不惟天下英才得密邇道德之光而我

皇上亦可遂幸學之便豈不聳華夏之觀瞻愜生民
之輿論斯文之幸萬世有光

帝命禮部集議言今水旱相仍邊城屢警興工動役
誠非其時俟豐稔無事之日舉行從之

壬子

命故金吾左衛指揮使王輔子端永清右衛指揮使
周榮叔理濟州衛指揮同知侯旺弟福永清左衛
指揮僉事王保保弟喜金吾左衛指揮僉事楊欽
子春南京羽林右衛指揮僉事張溥弟顯俱襲職
致仕府軍左衛指揮使王忠子信旗手衛指揮同

知王斌子顯金吾左衛指揮同知施英子旺俱代
職湖廣忠建宣撫司遣舍人譚文亮四川建昌
衛土官舍人安寧廣東博羅縣搖頭李滿清等貢
馬及方物賜鈔絲幣表裏有差工科給事中徐
廷章言七事一曰重官爵師保之官非有經綸參
贊之才者不及今每部增尚書一員都察院增左
右副僉都御史三十餘員又徧加以師保名器猥
濫人將易視二曰慎師儒今授官多歲貢監生及
山林儒士素無深長學問輒為人師授經且白讀
不明問難則汗顏無對師尚如此弟子可知今後

宜用副榜舉人除授三曰嚴科貢近者科舉開額
如陝西山西皆取百名三倍於昔及會試無一中
者歲貢亦四倍於昔及入監即以存省京儲悉遣
還家科貢之多誠無益也今後宜仍如宣德正統
中例庶革冗濫之弊四曰却珍竒近來蠻夷屢貢
金銀寶石火鷄白鹿等物未足為邦家之祥而沿
途應付脚力已為民患且恐遠人得因是窺測淺
深而弛來王之心五曰固封守河南山東湖廣浙
江皆腹裏地巡撫官可省其遼東永平紫荆等邊
地則不可缺亦宜定選二員分班更代不宜久任

使人情稔熟以壞公事六曰禁誦瀆京師天下所
取則每及節序軍民男婦悉齎香紙赴寺觀祈福
因是淫穢敗倫甚傷風化可令都察院懸榜禁約
七曰誅阿附春嫩之法誅奸邪必先治其阿附者
今太子太保吏部尚書何文淵以奸邪免其餘如
許資王巍汪庭訓陳銳何澄王遠皆附文淵者亦
宜治罪

帝曰朕即位之初加舊臣以公孤之職蓋欲匡輔治
道其如舊餘令所司計議以聞既而覆奏省回巡
撫官詔性在邊久者雖人情稔熟亦足以達下情

俱且不動俟寧靖之日處置

癸丑

命廣東按察司按察使馮傑陝西布政司左叅議閔
肅致仕以巡撫侍郎揭稽等考察其老疾也

大明英宗睿皇帝實錄

景泰四年九月甲寅朔

乙卯

大明英宗睿皇帝實錄

廢帝成慶王附錄第五十一

景泰四年九月甲寅朔

太上皇帝居南宮

乙卯

命太子太保兼吏部尚書翰林院學士王文復任以

奔母喪回京也吏科給事中盧祥言近者禮部

等衙門官會議寬恤事宜其一謀逆反叛人命強

盜文書到日俱許出首悉免其罪臣復讀大明律前

項車罪皆常赦所不原故是自洪武永樂以來頒降

赦例鮮有原免者往年廣東等處卓寇叛逆朝廷
命將討平戮其渠魁餘黨奔竄

皇上以時多故屈法宥之蓋亦因時制宜而非
常法也矧今中興之時豈可用此姑息之政哉且
途者旱災京畿尤甚究其所由實法司濫刑免獄
忿怒之所致為法司者正宜悔過避位以雪冤滯
如古六人察孝婦之墓而致雨可也今乃不共之
思顧定不當行之例施不當加之恩且謀逆強盜
殺人者得自首以免罪而良善無辜受害者又孰
從而雪冤好惡既戾乎人心感召曷通乎天意是
則將以

彌災而又以致災者不裁正於今必致貽悔於後
惡逆怙終之禍將何以遏止之哉伏望

皇上遵

祖宗之舊章明國家之常憲殊恩必施於無辜大法
不貸於惡逆

帝曰賞功罰罪自有正典寬則恐小人無所警懼法
司計諫停當以聞太子太保兼都察院左都御史
陳鑑以老病乞致仕從之

丙辰

吏科給事中盧祥言曩者福建等處官吏非人撫

綏失道寇賊生變

皇上特命內臣戴細保鎮守福建昨者辦事吏丁昇
奏乞取回細保

陛下未允所請然其言細保違法害民恐有激變不
可不察臣思永樂年間克平交趾設置郡縣夷人
服從後因鎮守內臣貪虐致失人心竟亡其地天
下至今非議不已若細保之過惡果如所言誠非
細故况其事未上聞彼猶知畏今既上聞而不罪
彼必愈肆將下失民心雖悔無及得無有損日月
之明哉伏望

陛下鑒履轍納芻蕘嚴加切責着令守法仍通勅各
處鎮守內臣惟理機密其餘軍民詞訟錢糧政務
悉從有司職掌及應進果品海味之類亦令有司
供辦毋或干預所用跟隨之人每年有司僉撥交
代毋令久占亦不許容無籍之徒投托跟隨恃勢
害人如此上不失國体下不失人心不惟事安民
安抑亦可以保全內臣矣

帝曰各處鎮守內臣累有戒飭不曾有犯尔等所言
俱無指實今後但有實跡處治不貸

戊午

勅監察御史鄭佑葉嵩陶復胡鍊周翔往四川湖廣
福建浙江江西清理軍伍武陞直隸大名府通判
王敏為宗人府經歷以九年考稱也

己未

董卜韓胡宣慰司都綱刺麻阿兒夜吒等貢馬及
璽瓊舍利等物賜宴并綵幣表裏有差
命湖廣都指揮同知曾晟弟全襲為指揮使鎮守
懷來都督揚信為軍餘奏其包攬鹽糧倚勢誑騙
詔巡按御史覆實以聞

庚申

常州府江陰縣民言本處順塘河長十里許東接
永利倉運河西通夏港及揚子江可通舟楫灌溉
田畝近為沙土淤塞乞勅巡撫侍郎李敏勘實開
通以為民利從之

辛酉

給韓府南鄭郡王并儀賓胡綸歲祿米五百石折
鈔三百石夜有流星大如碗色赤有光燭地出
紫微西藩內後二小星隨之北行至近濁

壬戌

重陽節賜文武百官宴給楚府輔國將軍杓錫

均調歲祿各八百石米鈔中半兼支 兵部奏舊
例納銀邊庫授官者子孫承襲與否未敢定奪詔
以急缺邊糧不可失信於下姑令依承襲舊 夜有
流星大如椀色赤有光燭地出百斗杓東北行至
近濁

癸亥

命直隸淮安等府衛并徐州所屬官吏俸糧并使客
廩給自今年十月照舊開支先是糧用不給暫令
減支至是巡撫右僉都御史王鉉以年年頗有收
獲宜復其舊故有是命

命巡撫遼東左副都御史李純於廣寧府官庫支銀
十萬兩於缺糧倉分召高糴米以足軍餉 鎮遠
伯顧興祖孫純隱匿逃走婦女法司執之興祖言
純有疾乞免執問刑科給事中劾奏興祖罪詔宥
之 宣府總兵官都督過其等奏兀良哈三衛殘
賤切近邊境所虜軍人自彼回者惟一晝二夜到
邊兵部言宜令興等嚴謹提備如賊犯我疆界即
出奇掩擊之

甲子

命故石軍都督同知王敬子鐸為正千戶優給初敬

罷其兄父職為百戶至是念其累有邊功故有是
命都察院奏福建備倭署都指揮僉事王雄追賊
至東海黑水洋中被賊拘執求免而歸當依例降
為事官立功從之 中都留守司所屬鳳陽等八
衛各奏今年二月三月雨雪不止麥苗泡爛命戶
部覆之

乙丑

復定科舉歲貢額先是工科給事中徐廷章言科
舉歲貢宜准宣德正統中例禮部言其所論切時
與取旨施行即中章倫又言元年詔書云不許更

改今未四年遽行廢閣殊失朝廷之體於是復禮
部斟酌以行尚書胡濙等請科舉以正統中所定
額為准如文字合格者多量增入之亦不得過二
十名其歲貢自景泰六年以後宜如正統中所定
例從之 沙灣之決尚書石璞等新鑿一河長三
里以避決口上下與運河通其決口亦築攔截今
新河運河俱可行船至是以畢工聞工部欲取璞

回

帝恐不能經久令璞且留處置

戊辰

巡按直隸監察御史吳中奏巡撫侍郎李敏占官地以造私室都察院請執敏至京鞫問詔宥之都察院左都御史蕭維禎劾監察御史曹景出納本院糧米不行嚴謹致年級盜米請鞫其罪從之

庚午

免廣西柳州桂林二府去年旱傷田地秋糧二萬二千五百二十餘石 南京守備寧遠伯任禮部尚書張鳳都督趙倫等不嚴守衛致姦人身服黃絹衣擅入皇城至闕右門方獲之法司請治禮鳳倫等罪詔置不問但錄伏以示如仍急急必重罪

鎮守甘肅太監蒙泰奏哈密忠順王例瓦谷失里所遣來甘州使臣言忠順王等往虜酋也先處謀事又言虜衆已立也先為王而以其次子為太師雖其言未可深信但哈密累受朝廷厚恩乃陰結醜虜必貽我邊患兵部言宜行各處總兵鎮守等官整軍馬謹烽堠過有警急相機守戰從之 都察院右副都御史軒輓聞父喪請歸守制 帝以輓總督南京糧儲令奔喪即還任視事

辛未

光祿寺鳳少卿陳誠奏臣本山東清江衛軍籍見

今缺後止臣一身無人可代乞恩開豁從之 大
風有聲雷電交作

命癸酉

命四川布政司於重慶府見收鈔內輸五十萬貫於
巡撫侍郎羅綺處糴買糧儲 給御馬監勇士并
武驤等衛官軍馬八百餘疋 寧夏副總兵都督
僉事馬讓有疾陞東路右叅將都指揮使王榮為
右軍署都督僉事充總兵代讓以守備靈州都指揮
僉事仇廉充右叅將代榮陞寧夏左屯衛指揮僉
事趙廣署都指揮僉事代廉俱從總兵官都督同

和張泰太監王清奏請也

命陝西按察司僉事王綱冠帶閑任罷湖廣僉事成
始終為民綱以考察為庸懦始終為貪汙故也

國子監祭酒王恂卒恂湖廣公安縣人初名振後
以姓名與中官同改今名由宣德五年進士選改
翰林院庶吉士正統四年除翰林院檢討與脩

宣宗皇帝實錄十三年考滿陞修撰十四年陞大理寺

右時丞巡撫貴州景泰二年改右春坊右庶子管
國子監司業事四年陞祭酒未幾得風疾卒子官初
為庶吉士時從學於學士楊溥溥曰吾鄉之士能

守孔子四教文行忠信王振一人也及陞祭酒能
布列條教弟子皆順服不敢違至是卒詔遣官致
祭給官舟歸其喪

甲戌

調山西左叅議揚銘於廣東布政司山東左叅議
田崇於廣西布政司俱以刺負故也

乙亥

初禮部會試其^主試官二人出

上命同考試官從禮部尚書翰林院官京官教官皆
得為之至是禮部尚書胡滌言翰林院及春坊以

文藝為職業宜專其事京官自科第有學行者宜
兼取以充教官不許充請著為令從之董卜韓

胡宣慰司所遣番人何兒加劄巴等乞賜勅招撫

生番兵部議掌宣慰司事都指揮克羅俄監聚祭

薦狡詐近者誘納重敏家屬欲為報讎招致逃民

謝證窺探邊境若允所請必借聲勢以為暴橫不

宜賜勅從之江西南昌府民萬邦敬陳本萬孟

廣徐永實裘景進徐尚賢歐陽則車拳一傳名振

徐孟信揚子寬傳同生熊應保管方英周資善周

名遠李琛王存質熊楚誠周原鼎王秉彝周節文

鄭啟清胡政德胡麟邨伯邨維遠嚴性暉吉安府
民彭遵龍從霖羅爾輔聶仕璠尹坤寧康惟進袁
仲堯蕭季林羅忠劉廷振蕭麟英徐資敏徐仕賢
郭升雍肅曰高安福千戶所軍甘峻各出穀一千
石以上助官賑民詔賜璽書旌勞復其家 監察
御史伍星會奏光祿寺寺丞崇望不嚴提督致火
延大官署華牲房當准其罪詔宥之 以太常寺
少卿兼翰林院侍讀學士陳詢為國子監祭酒仍
支正四品俸時祭酒王恂已故監丞安貴疏言太
子少師戶部右侍郎兼翰林院學士蕭鎡學術純

正文章典實先任祭酒諸生悅服今祭酒缺負乞
照胡儼例不妨內閣職務仍令時來提督儀刑後
學庶士子有所依歸疏聞以內閣事重鎡難兼任
故特命詢為之 都察院鞫山西僉事蔡汝忠索
部屬贖物當贖徒為民從之 湖廣武昌黃州荊
州三府各奏今年五月六月不雨田苗俱被旱災
傷漢陽府沔陽州及河南開封汝寧二府各奏五
月以來雨水連綿田禾俱被淹沒事下戶部覆之
丙子

遼府枝江王貴燭慶王遼簡王第子母宋氏

永樂十三年生宣德八年冊封至是歲年三十九
訃聞輟視朝一日謚莊惠遣官賜祭命有司營葬
已卯
加水神蕭公封號為水府靈通廣濟顯應英佑侯
神自永樂中已封為英佑侯至是巡撫湖廣都御
史李實言近歲神降於其鄉人王瀨附鸞箕以言
禍福有驗乞加崇獎於是降勅加封號而賜瀨冠
帶終其身 廣東按察司副使項忠等奏都指揮
同知姚麟以帶俸官員營求掌印都指揮僉事于
羽不嚴備倭數私歸又以小忿互相鬪毆俱宜鞠

問詔巡按御史廉其寔以聞 錦衣衛正千戶杭
聚卒聚后族也訃聞賜賻遣官祭治葬

庚辰

命南京工部右侍郎李浩復任以父憂服闋也

命四川按察使茅惟揚致仕以兵部右侍郎李賢考

察其昏耄也

辛巳

吏科右給事中潘榮言致理之要莫切於求言故
稱堯之德則曰稽子衆舍已從人稱舜之德則曰
明日達聰好問好察述禹之興則曰聞善則拜頌

湯之聖則曰從諫弗咈其他英君誼主或致鼓以
求諫或立以招誘所以以有過必知聞善必從當
時治安後世稱仰恭惟

皇上即位以來累詔求言中外神臣民莫不欣忭稱
慶仰望太平近因言官忤觸

聖意蒙諭禮部於凡建言務詳參看或違例假以報
命復具奏罪之安命下士夫喪氣以言為諱國家之
利害何由而知生民之疾苦何由而聞邊情之得
失何由而察人臣之好惡何由而辨况今北虜陸
陸梁邊方多事止 陛下憂勤採納言

路也伏望煥發德音今六科十三道務在知無不
言言則須存大体不許摭拾細故虛文應事如有
畏避隱忍依阿緘默者治以不職之罪及勅各衙
門今後中外建言不許搜尋參駁有傷治体如此
則嘉言日進忠讜日聞雍熙泰和之治不難致矣
帝曰自洪武永樂以來圖治之法定制已久今有假
以建言用報私讐因安禁約何嘗阻擋言路禮部
其識之

癸未

改刑部右侍郎耿疇為都察院右副都御史仍鎮

守陝西時陝西布政使許資奏稱侍郎鎮守與巡按御史不相統屬行事矛盾人難遵守况文移往來亦多窒礙乞將九疇改授憲職庶便於行事故有是命

命工部右侍郎張敏理部事先是敏督理柴炭至是以尚書王永壽未壽代之故有是命

大明英宗睿皇帝實錄

大明英宗睿皇帝實錄

廢帝祁戾王附錄第五十二

景泰四年冬十月甲申朔

太上皇帝居南宮

帝享

太廟遣中官祭司井之神祭

長陵

獻陵

景陵

乙酉

吏部言太子太保兼工部尚書石璣奏保東昌府
推官田峻魚臺縣典史彭旭俱有才能乞各量陞
一職俾專理修河緣近河府縣已增管河官員難
從所保
帝曰璞整理河道未見成功惟務濫保官員本當究
問但無他故姑恕之

丙戌

賜守玄中靜高士兼道錄司左正一郡以正詰命
時四夷入貢者多至千人所過輒需酒食諸物憑
陵驛傳往往毆擊人至死平江侯陳豫奏日本使

臣至臨清掠奪居人及令指揮往詰又毆之幾死
巡撫廣東侍郎揭稱亦言瓜哇使臣狡猾不遵約
束宜重懲之於是禮部請執治其正副使及通事
人等不聽提督松潘兵備刑部左侍郎羅綺奏
利州青州等衛所哨守官軍七年無人更替三年
無糧食贍蓋因四川各府州縣運糧之人賀嘯豪
猾虛出實收民徒費其脂膏軍不得其實用乞為
究問事下戶部請移文巡按監察御史查勘原運官究
問仍行布政司輸銀二千兩於利州青州等衛所
補給官軍三年糧自今運糧如法督併不許缺誤

從之官軍江西瑞安府運糧通判史宗禮奏總督
漕運右僉都御史王竑將軍民船編號相兼面行
緣軍船多裝私物但遇市鎮灣泊買賣延任日久
民船亦彼淹留今河道有水可容五船並行乞令
竑將軍民船各自編號凡遇洪開軍船一日民船
一日挨次放過庶免挽越爭競之患從之致仕
工部尚書周忱卒忱字恂如江西吉水縣人八歲
讀書過目即成誦登曾榮榜進士時選庶吉士二
十八人忱自陳願與其列進學
太宗嘉其有志從之預修永樂大典諸書擢刑部主

事遷員外郎尋除越府右長史宣德中朝廷以東
南財賦繁重負欠累年欲得人理之乃命朝廷臣
會舉得忱陞工部右侍郎巡撫蘇松諸處忱至被
一切破崖岸為之召父老問弊所當革利所當興
者何在次第舉行民翕然稱便不二三年公私皆
足羨餘之積殆不可數兩遭親喪俱起視事嘗奉
勅清理刑獄平反甚衆每遇歲歉巡歷所部發廩賑
之活飢民數十萬景泰初陞戶部尚書尋改工部
仍舊巡撫未幾累上章乞致仕從之至是卒賜葬
祭謚曰文襄忱為人字量恢弘才識通敏莅事精

勤臨民和易有善謀者雖卑官隸吏無不接納性
尤機警善籌畫諸郡錢穀鉅萬一屈指間無遺美
每視地之豐凶事之緩急以為弛張變通是以賦
足而民不困前後理財賦者卒不能及但其多費
餘財以結權貴兼之信任群小為時所短云 左
軍都督同知劉得新卒得新山後人由指揮使從
征麓川累功陞都指揮同知至左軍都督僉事守
備雲南十二年召還明年征閩賊既平移師征處
賊十四年還京陞都督同知至是卒輟視朝一日
賜祭及賻命有司治葬 夜有流星大如杯色青

白出五車東北行至軒轅

戊子

命故河南都司署指揮僉事王佐子瑛襲為河南衛
指揮使

己丑

命錦衣衛指揮侍衛者得衣麒麟服色從指揮同知
畢旺援永樂中例陳乞也 調雲南道監察御史
陳瑄為陝西臨潼縣知縣以本院考其不通律意
也 直隸揚州鎮江府陝西西安等府并太倉衛
各奏今年五月六月旱災事下戶部覆之

庚寅以南京社稷壇殿宇柱拱多蛀壞命內官監及南京工部修理之

勅各處鎮守巡撫等官兵部尚書孫原貞等惟農桑為衣食之源勸農乃有司之責此古今通務也茲特命爾等督同三司官分督府縣屯堡官令里老省諭鄉村除士工商賈并在官供役之人其餘悉令務農及期耕種若有荒閑田地令無田及丁多田少之人開墾或缺牛具種子於有力之家勸借收成後量為酬給若原係稅額俟三年後

徵收其土地宜桑棗漆柿等木隨宜酌量丁田多寡定與數目督令栽種務在各鄉各村家家有之不許團作一二團圓以修視點虛應故事敢有怠惰不務生理者許里老依教民榜例懲治縣官嚴加分督府官依時點視布按都司比較總督仍將開墾種過田地并桑棗數目造冊繳報爾等宜嚴禁約慎選廉正官員設法整理毋令從人需索科歛如違並聽巡撫巡按等官糾察拿問奏請罷黜庶使奸弊不生農政修舉

辛卯

陞江西道監察御史史願為浙江布政司右叅議
巡視銀鑛瓜哇國貢使馬用良等陞辭賜宴并
綵幣有差仍命賞勅并金織文綺等物歸國其國
王及妃勅曰王敬天事大頻歲遣使來庭然念道
里遼遠人使過多彼此煩勞易生嫌隙今後宜擇
諳曉大体一二人為正副使量帶從人至廣東聽
彼官司存留起送仍頒戒飭使臣當守禮法毋肆
非為其貢物亦不必珍禽異獸但以土物致誠足
矣且不許以細軟寶物私與外洋交易王其欽
承

朕命母違 提督宣府軍務右僉都御史李秉有疾
乞代不允第許其一子往視之

壬辰

給襄城王長女扶風縣主并儀賓彭祥歲祿本色
米四百石折鈔二百石 賞內官弓勝陳莊都督
同知孫安右叅政葉盛各銀十兩綵幣一表裏都
指揮指揮二十員各銀五兩綵幣一表裏官軍一
千九百餘人各銀一兩布二疋以修復獨石馬營
等處邊城也 復除廣東按察同副使楊輔為山
東副使專督永平等處糧草屯田先是提督軍務

右僉都御史鄒來學言永平等處糶草雖有戶部
委官乞取回部照遼東等處事例增置副使一員
監督收支兼理屯田庶弊可革而事易集下戶部
議以宜適輔以親喪服闋至京遂有是命 浙江
按察司僉事彭貫致仕貫剛毅善斷在浙有風裁
治獄多所平反然負氣寡合都御史洪英奏黜送
部浙民詣闕乞留貫貫以疾乞致仕章屢上乃許
之 陝西指揮張義奏都指揮僉事陳聚隱匿軍
糧詔巡按御史廉其實以聞

命金吾左衛帶俸都指揮僉事劉順子勝代為本衛
帶俸指揮使 武清侯石亨奏萬全都司都指揮
僉事喬清賣放軍人請治其罪詔宥之

甲午

陞都察院右僉都御史鄒來學為左副都御史仍
提督永平等處軍務右春坊右諭德兼翰林院侍
讀徐有貞為都察院右僉都御史往治沙灣 陞
後軍都督僉事徐泰為都督同知都察院右僉都
御史王竑為左副都御史仍理漕運時太子太保
兼戶部尚書金濂奏昨者徐淮等處水災人民艱
食竑身任其責往來設法賑濟活人數多况總督

漕運姦貪畏憚兼理巡撫軍民愛慕會少保兼太子太傅戶部尚書文淵閣大學士陳循亦言竑盡心救濟宜量陞擢以勵勤勞
帝以泰與竑同理漕運久著勤勞故併進之 陞雲南道監察御史張斌為山東布政司右叅政 減免順天府所屬今年旱災糧草涿州及良鄉縣免三分房山縣免二分
乙未

命李祖壽為府軍前衛百戶祖壽司直郎兼編修泰之子也泰為伯父太監永昌後永昌正統十四年

整理軍務有功至是錄其功於祖壽故有是命

湖廣都司署都指揮同知許輔奏巡撫右都御史李實與部屬指揮結親及用懦弱官運糧詔巡按御史廉其實以聞

丙申

都督僉事張通以私憾譴責都指揮僉事盧能為協贊軍務右都御史羅通所劾

命總督總兵官召而責之仍戒其餘頭目自今不得

凌虐下人 協贊軍務太子少保右都御史羅通言總兵官石亨柳溥張軌既督操十營軍馬又各

燕管五軍神机三千諸營次撥官軍用心不專奔
走不暇臣愚以為十營之事宜專責之一將則事
體歸一易為調用因舉右都督孫鏜事下兵部議
通所奏蓋以鏜頗勇敢故舉鏜以激諸將也然亨
溥既受命總兵已定而鏜亦未見能出其右難令
專管十營况今十營內三營見缺統兵官宜令都
督同知馮宗與鏜及署都督僉事張欽分領三營
俱聽總督總兵節制一遵先奉
勅旨不得紛更變亂違者律以軍法從之
戊戌

瓦刺也先遣使臣哈只等賫書來朝貢馬及貂鼠
銀鼠皮其書首稱大元田盛大可汗田盛猶言天
聖也末稱添元元年中略言往者元受天命今已
得其位盡有其國土人民傳國王寶宜順

天道遣使和好庶兩家共享太平且致殷勤意於
太上皇帝

帝命賜使臣宴及賜綵幣表裏有差禮部戶部郎中
黃琛為江西布政司左叅政

命陝西布政司右叅政楊鏞補缺視事先是鏞以刺
負當赴部聽調至是本司有缺遂令補之太子

少傅兼吏部左侍郎俞山病命太醫院視之
東按察司僉事賈追以老病乞致仕從之
陝西監察御史姚哲奏布政司右叅議張雲翰清
軍受賂雲翰亦奏哲徇私出知縣唐誠罪命巡按
御史王越覈實以聞 巡按直隸監察御史璩安
奏萬全都司都指揮同知杜俊私役軍人及占屯
軍地基請治其罪詔宥之 河南汝寧府并歸德
州各奏所屬今年七月八月天雨連綿田禾盡被
淹沒命戶部覆之
己亥

命戶部移文各處巡撫侍郎等官及浙江江西二布
政司直隸蘇松等府於折銀糧內量改三十萬石
運赴徐州倉七十萬運赴淮安倉聽候下年官軍
兌運從吏科給事中盧祥奏請也 禮部言瓦剌
使臣哈只等所貢馬多瘦瘠請止簡留肥健者給
其直餘勿納

帝命皆納之 夜月蝕犯六諸王西第一星

己亥

右軍署都督僉事王榮卒榮順天府順義縣人由
指揮同知陞都指揮僉事正統七年充右叅將鎮

守寧夏八年策應延安敗績降指揮使尋以功陞
都指揮同知賜白金綵幣分守花馬池營

景泰元年陞都指揮使四年陞署都督僉事仍鎮
守至是卒

庚子

擢浙江處州府知事揚輿為戶部郎中輿先由邠
府伴讀陞知事故復有是命

命陝西左參議顧理致仕以考察老疾不堪任也

總督漕運左副都御史王竑奏近者南京戶部尚
書沈翼言濟寧徐州等處水災

皇上念彼民飢出官銀三萬兩送彼糴糧催運用過
銀五千三百五十兩其剩銀二萬四千六百五十
兩俱在東昌兗州二府收貯誠恐有司官吏乘機
竊取濫給妄費乞委官管送京庫臣竑竊惟國以
民為本民以食為天而信者又人君之大寶也今
各府州人民尚未安業而翼惟知聚斂略無遠圖
欲將前銀取回京庫殊負

皇上保民大信乞儲此銀於原收官庫或糴糧米分
給賑濟飢民或收買牛隻給付貧窘不能耕作之
民有司官吏敢有因而侵欺妄費用者懲治如律

則

皇上德澤流通而下民永戴矣

帝曰賑濟銀兩雖有餘剩仍留彼備用王玘仍如數

支銷下人作弊妄用者罪之不宥

辛丑

誠孝昭皇后忌辰遣官祭

獻陵

命忠義左衛帶俸署都指揮僉事周晟子彬代為本

衛指揮使

命提督遼東軍務左副都御史寇深兼巡撫及總督

屯種倉場糧儲賜諭之

壬寅

革湖廣郴州管糧同知一員挂陽興寧二縣縣丞

主簿各一員

巡按直隸監察御史瓊安奏守備

都指揮金能衛民壯辦納月錢不足証其夜盜倉

糧毆之至死請寘諸法命都察院執鞫之

癸卯

給義勇等十營官軍馬四千七十九匹

甲辰

命湖廣署都指揮僉事楊茂督運糧儲從總督漕運

命左副都御史王紘奏請也

命故金吾左衛指揮使宋昇姪全指揮同知李加奴
子文羽林前衛指揮使王政兄海金吾右衛指揮
僉事羅敬子整俱襲職致仕虎賁左衛指揮使劉
勝子榮通州衛指揮僉事陳志子灝俱代職

乙巳

陞遼東副總兵右都督施衆為左都督官軍一百
一十八人俱陞一級以登州營斬獲達賊功也

陞廣西都指揮同知彭英為署都指揮使官軍一
百四十餘人陞賞有差以負山等處剿賊功也

陞大河衛指揮使戴諒豹韜左衛指揮僉事童善
鳳陽中衛指揮僉事曲恂俱署都指揮僉事事分
督漕運從左副都御史王紘等奏請也 後軍都

督僉事郭英卒英直隸高郵州人初任大寧前衛
指揮使正統七年從征麓川有功陞都指揮僉事
十四年以安定門殺賊功陞都指揮同知景泰元
年陞都指揮使從武清侯石亨事巡大同還陞後軍
都督僉事至是卒遣官諭祭

丁未

勅總督總兵等官少保兵部尚書于謙等曰比聞瓦

刺也先擅易名號又其所遣朝貢使臣有從大同
來者有從宣府甘肅來者以其奸計必有所在京
師備禦不可不嚴爾等其以所選軍馬盡心訓練
以俟調遣成有別長策悉聽爾等便宜處置必出
萬全無墮賊計并勅宣府大同遼東薊州永平山
海延綏甘寧獨石等處總兵鎮守官一體戒嚴邊
備葦山東蓬萊縣城北河口遞運所以其地僻
事少故也

命浙江道監察御史練綱協贊陝西延綏等處軍務
綱自陳名輕責重乞陞僉都御史庶可壓服人心

帝曰陞官豈可自求不允遂寢其命
都察院鞫四
川按察司僉事成功職專管屯故縱廢弛以致子
粒不完當贖杖還職從之

戊申

初清江提舉司專遣主事一員提調後以冗裁去
司事盡以屬淮安巡河主事項備至是備自言獨
負不勝事乃以主事鄭靈理淮安河道而備專主
提調清江提舉司事

己酉

監察御史周鑑陞為雲南按察司副使陳叔紹為

湖廣副使黃錫為廣東僉事馮清為浙江僉事馮
進及刑部署員外郎主事高遠右寺副王紹俱為
河南僉事監察御史黃福生刑部署員外郎主事
張本端俱為四川僉事員外郎廖恂為廣東僉事
左評事楊玉為陝西僉事

庚戌

命湖廣按察司副使徐仲麟督理屯田先是仲麟奉
勅監理廣西總兵官處軍機文書至是自陳邊務
稍寧不無冗曠故有是命 山西道監察御史張
鵬言四事一令四方雖已無虞而怠荒尤為可慮

持敬以永天命不可不加之意

陛下宜思

祖宗創業之難念

上天付托之重憫生民之疾苦知稼穡之艱難公於
賞罰謹於用人絕耳目之好罷無用之費而後可
以庶幾也一太子者國之儲君而天下之本自陳
宮建立以來今已二載師保庶職靡不備官而養
正開導之教寂尔無聞夫富貴者侈之階安逸者
驕之漸

皇太子居安逸富貴之中不及今使就學問則他

壬子

命少保兼學士陳循撰南京國子監廟學碑文從祭
酒吳節奏請也 江西瑞州府民揚京和謝伯誠
况大折吳旭旻揚克泰羅若金蕭致中陳禹式江
漢清胡文昌胡子良袁州府民謝琳張鐸張鏞蘇
体用揚毅俊夏秉彝何伯瑋周仲信彭希節謝已
郭嘉靜喻貴再黎右甫袁州衛軍何必澄顧俊徐
亮姚偉各出穀一千石以上助官賑民墾書旌勞
復其家

命都察院右僉都御史陸矩復任以文喪服闋故也

遼東都指揮使孫景索所部軍士銀布穀粟又受
竊盜窩主賂下巡按御史論當贖絞立功五年還職
從之

大明英宗睿皇帝實錄

廢帝郕戾王附錄第五十三

景泰四年十一月癸丑朔

太上皇帝居南宮存留陝西各府撫民官先是嘗命各處裁革添設撫民官陝西布政司言所屬各府地廣事繁原額官少不能辦理請見任者存留有缺者銓補從之

命浙江右叅政袁錠致仕以老疾考黜故也都察院奏福建都指揮僉事王玉職專備倭不嚴督官軍守備輒私歸致倭賊劫殺人財焚毀官舍宜行

巡按御史問罪降為事官立功從之

甲寅

日本國王遣使臣允澎及都總通事趙文瑞等來朝貢馬及方物賜并絲幣表裏等物有差

命右僉都御史陸矩往延安綏德等處察贊軍務代右副都御史馬恭還京豐城侯李勇既襲爵有司為請其祿宜如父賢例歲給一千五百石詔以勇年幼命給一千石本色五百石米麥兼支 達賊二千餘騎犯遼東興水縣堡左副總兵都督焦禮率官軍擊走之生擒一人獲其馬牛百餘賜勅

癸亥

乙卯

命湖廣都指揮同知馬曄子幹代為指揮使以曄老疾故也 瓦剌使臣火只你阿麻回回進玉石五千九百餘斤詔免進令其自賣

丙辰

瓦剌也先弟賽因孛羅魯王等遣使臣卜花奴等來朝貢馬賜宴及絲幣表裏有差 戶部奏武康伯徐勇襲爵踰月而卒其歲祿例應截日還官今其生母李氏奏言喪禮殯塋用費既盡乞恩宥免

許之巡按陝西監察御史姚哲奏守備莊浪都
指揮使魏榮不嚴督官軍哨望致遠賊進馬頭山
墩殺死人畜榮率兵追之不及罪當斬事下法司
言馬頭山墩距莊浪四百餘里榮追弗及情有可
矜命宥榮死降為事官於總兵官處立功

丁巳

命修

皇陵及白塔墳殿宇遣駙馬焦敬往督其事以給通
渭王範野庶子鎮將軍徵鈺歲祿一千石米鈔中
半兼支韓王徵鈞奏臣及姑南鄭郡主婚禮在通

俱缺費用命賜紵絲八表裏鈔一萬貫直隸蘇
州府山東登州府俱奏自五月至七月亢旱不雨
農種過期秋糧無方營辦命戶部勘實以聞

戊午

四川石柱宣撫司遣舍人冉翔馬湖府泥溪長官
司遣把事王秉榮雲南徵江府路南州遣土官把
事李旺等來朝貢馬俱賜宴及絲幣表裏鈔絹有
差給慶王府醫士口糧月四斗從王奏請也

己未

天壽山鎮守左監丞陳貢等言舊教場窄狹難於訓

練請易昌平縣城南民地為之詔從其請 鎮守
延綏右都督王禎奏被寧夏鎮守都指揮任信將
所屢燒荒官軍執去及毆傷旗軍請正其罪詔巡
按御史囊實以聞尋宥之 有訟戶部右侍郎李
敏前為府尹時縱子婿盜本府銀四百餘兩及巡
撫直隸又埋沒蘇松等府錢糧數百餘萬者詔戶
部都察院其速委官往究治之

庚申

命遂安伯陳韶等為正使即中張用瀚等為副使持
節冊封瀋王第六子幼壘為內丘王西城兵馬副

指揮龔政女為內丘王妃西城兵馬指揮石昉女
為韓王徵針妃 設直隸唐縣軍城倉先是倒馬
等關供給糧料俱於軍城驛收支司其出納者奸
弊滋甚至是鎮守易州等處石僉都御史陳泰請
設倉銓官掌之庶積弊可除故有是命 兵部奏
各營下場收放馬收回飼養而各處災傷頗多京
場草束支用不敷請自十一月至次年正月每馬
一匹月給銀三錢聽其自買以飼詔從其言於是
武驤左等衛援例以請命給之凡馬一千九百三
十九匹共銀五百八十一兩七錢 山東都司言

所屬濟寧衛連歲災傷今戶部移文生派採打馬
草及追景泰二年逋負子粒人不堪命請暫停徵
待歲豐如數補納從之 巡按湖廣監察御史鄭
時奏四川布政使蔡壽先任常德府知府受賕出
入重罪當建問詔以事在赦前宥之 巡按四川
監察御史李周奏參議邵磐僉事陳浩俱公幹至
涪州受州官賄賂宜究其罪從之 巡按四川
癸亥

太上皇帝萬壽聖節禮部請令羣臣詣延安門行朝賀
禮詔免禮 給三千等營官軍馬八百匹 提督

松潘兵備刑部左侍郎羅綺言四川歸化等處緊
要關堡缺糧欲召高中鹽納糧戶部覆奏定例雲
南黑白二井鹽每引納米八斗五升安寧井鹽米
七斗四川仙泉等井鹽米六斗 雲南總兵官都
督同知沐璘奏雲南城東有水南流其原發自邵
甸九十九泉為一至松花壩又分為二一繞金馬
山麓流入滇池一從瓦窯村流至雲澤橋亦入滇
池其間軍民田畝不下數十萬舊於水之下流築
隄堰蓄水以灌田但夏秋霖潦泛漲則壅滯不得
疏洩臣欲起近水得利之家出工料造石閘以時啓閉

從之...
甲子...
擢冠帶...
中書舍人...
乙丑...
給潞城王...
鈔中半...
龍袍服...
與王...
仁宗...
年...
憲遣...
命四川...
軍士...
故也...
丙寅...
是冬至...
長陵...
獻陵...
景陵

從之...
甲子...
擢冠帶...
中書舍人...
乙丑...
給潞城王...
鈔中半...
龍袍服...
與王...
仁宗...
年...
憲遣...
命四川...
軍士...
故也...
丙寅...
是冬至...
長陵...
獻陵...
景陵

帝詣

奉先殿

上聖皇太后宮

皇太后宮行禮畢出御奉天殿受朝賀大宴文武群

臣及四夷朝使

上聖皇太后

皇太后

皇后俱免賀禮。陞殿勇營管操署都指揮僉事黃

鑑為署都督僉事充副總兵往寧夏協同總兵官

都督同知張泰鎮守地方鑑前總兵官都督黃真

子至是寧夏副總兵王榮卒泰特薦鑑以代榮故

陞而遣之。停徵山西平陽等府景泰四年被焚

糧五十七萬六千八十餘石草一百一十萬三千

五百餘束山西都司衛所被焚屯田糧六千七百

六十八石有奇

丁卯

守備獨石馬營等處內官弓勝以副總兵都督同

知孫安風疾將不起為之請代事下協贊軍務右

叅政葉盛勘議盛言安多歷年所聲望風著即今

求之邊城無可代者但其為人褊急多疑素與勝

及都指揮張林不協抑鬱成疾若使濟之以寬大
持之以坦率勿與勝等不和病勢自當減去即有
警臣與之坐運籌策亦可成功古人與疾討賊以
臣觀之安未宜代也詔從盛言勅安存心療疾以
副倚任弓勝張林務為協和毋再乖異仍命太醫
院遣醫馳往視之 夜月犯六諸王東第二星復
生丑色雲彩鮮明

戊辰

先是山西道監察御史張鵬奏請教儲君以固國
本仍先簡命師傅以下文學侍從之臣日侍講讀

至是禮部申鵬所請

帝命少傅兼太子太師禮部尚書胡濙少傅兼太子
太師吏部尚書王直少保兼太子太傅戶部尚書
文淵閣大學士陳循少保兼太子太傅工部尚書
東閣大學士高穀太子太保吏部尚書兼掌詹事府事儀
學士王文太子太保兵部尚書兼掌詹事府事儀
銘太子少師兼吏部左侍郎翰林學士江淵太子
少師兼戶部右侍郎翰林院學士蕭鑑太子少傅
兼吏部左侍郎俞山太子少保兼兵部左侍郎俞
綱兵部左侍郎翰林院學士兼左春坊大學士商

輅每日更番侍班命左春坊大學士兼翰林院侍
讀彭時每日專一講書詹事府府丞李侃李齡右
春坊右贊善兼翰林院檢討錢溥翰林院編修劉
吉每日專侍讀書吏部郎中王謙中書舍人兼司
經局正字趙昂每日更番侍書務須處心端確語
音順正說理明白字畫楷範勉盡輔導之職
按四川監察御史李周奏都指揮僉事趙雄受衛
吏賂留充本司吏宜照例降為事官於松潘立功
從 月犯星宿西北第一星
已巳

朵顏衛頭目歸均遣達子都連及等福餘衛指揮
安出男可台遣達子把禿迤北阿刺知院遣使臣
禿禿兒等來朝貢馬賜宴并賜綵幣表裡鈔錠等
物有差 禮部奏瓦剌使臣將還請給賞賜勅如
例

帝因以也先書示禮部臣且諭之曰也先背逆其主
自稱可汗然王者不治夷狄今其遣使來貢回賜
勅書當如何稱呼爾禮部及翰林院會多官從長
計議傳當奏聞

庚午

給枝江王貴熠長子豪鑿歲祿五百石時王薨豪
鑿未封請祿養贍故命給之 戶部奏山東武定
州言每歲分派本州糧在德州水次充軍饋運本
以便民然加耗既多充軍又日候守久及致負累
今民自願運赴通州或京倉輸納請從其便從之
巡按福建監察御史倪敬奏布按二司大小官
員私用什物俱令府行縣辦納未免以一科十比
其去任將原辦什物盡易皆入己代者至又行派
辦民受其害今後大小衙門官員私衙什物俱全
公同籍記去任之時照數交付不許似前科辦擾

命民仍乞移文各處通行禁約從之

辛未

給靖江王府鎮國中尉相諒歲祿四百石米鈔中
半兼支 日本國正副使允澎等奏在昔

太祖高皇帝頒賜下國天龍寺佛前花瓶二香爐四
龜鶴燭臺各一近年被火毀壞今以舊式進呈乞
賜臣等齋回祝延

聖壽命工部造與之 巡按四川監察御史李周奏
苗賊數攻劫白桃平趙三壩諸處居民又聲言欲
攻西平樂安水等處榮所詔兵部移文貴州總兵

官左都督方瑛提督軍務右僉都御史蔣琳勘議
撫捕巡按福建監察御史倪敬奏都指揮僉事
徐貴賈放軍人宜照例降為事官立功五年如有
功不拘年限復職從之

皇太子見濟薨謚懷獻

癸酉

給直隸隆慶州被災人●民大口銀二錢小口銀
一錢糴糧食用從提督宣府軍務右僉都御史李
秉奏請也

命發南京官庫鈔四十二萬四千六百貫絹一千四

百一十六匹布一千二百八十三匹給賞廣西征

勦柳州獲功官軍

有達賊十餘騎突入寧夏哈

刺木井射傷軍人又於黑山嘴執去夜不收一人

巡按監察御史王越劾奏總兵官都督同知張泰

左叅將都指揮使熊震等玩寇失機之罪命姑宥

泰震第責守備官死罪狀令固守地方再犯不宥

提督宣府軍務右僉都御史李秉言先嘗選取萬

全都司所屬精銳舍人餘丁給與器械口糧在官

操練比歲有收差可自給口糧全給實為糜費請

自正月至三月講武之時給之務農之月暫令住

與設有聲息果妨農種如舊全給從之

丙子

大同東路左叅將都督方善奏達賊數十騎近邊
出沒請提兵往擊之廷議以虜使在朝未許善又
奏達賊累至邊墻索羊酒且言來看南朝墩臺又
賊衆百餘騎於墻外圍臘因登山瞭望臣恐其窺
伺日久為患非輕命兵部會總兵官并各營頭目
議所以防禦之

丁丑

蠲河南開封等府陳州項城等六十五州縣景泰

四年被災秋糧七十九萬八千一百七十七石草
一百三萬三千八百束有奇戶部右侍郎張睿
等言通州倉所收糧儲中間有因天陰及恐河凍
運舟不能還回未曾曬眼不無潮潤恐至春地氣
蒸濕腐爛又通州空廩數少下年無所收受請將
在京官軍俸糧自景泰五年正月至六月先行放
與戶部覆奏從之錦衣衛將軍段振奏近年以
來也先差來進貢使臣實無敬順之意不過窺覘
中國虛實而已到京人數不下一二千餘在外褻
慢無禮甚至欺侮守衛官軍侈然放肆莫敢誰何

守門軍士每被搶奪什物誠恐賊心覲覲禍生不測乞遇朝祭之日給賞之時務令通事都督僉事昌英等官嚴加防範使彼不得放肆及勅五府及守衛守門官員凡遇使臣出入務在用心防閑嚴加禁約毋得怠忽致生疎虞從之

戊寅

戶部先以邊儲不給請於宣府長安嶺獨石馬營諸處上米中淮浙長蘆鹽既而淮鹽中納殆盡兩浙長蘆鹽無商土納總督邊儲右僉都御史李秉請減其則例戶部覆奏獨石倉每引米豆減四升

馬營倉每引米豆減五升懷來倉景泰三年開中兩浙鹽每引減七升長蘆鹽每引減一斗二升景泰四年開中兩浙鹽每引減五升長蘆鹽每引減四升長安嶺倉兩浙鹽每引減七升長蘆鹽每引減八升雲州堡倉景泰三年開中兩浙鹽每引減五升長蘆鹽每引減七升景泰四年開中兩浙長蘆鹽俱減二升赤城倉兩浙鹽每引減三升長蘆鹽每引減五升龍門廣豐倉兩浙鹽每引減五升長蘆鹽每引減七升龍門倉兩浙每引減五升長蘆鹽每引減七升萬全倉兩浙長蘆鹽每引俱減

五升柴溝堡倉兩浙鹽長蘆鹽每引俱減七升從
之
已卯
江西臨江府民黃漢高鄧漢霄聶衡廖紹聯楊斯
行聶彥起鄭政寬聶公茂廖啓常曾保仔聶觀真
胡永緝周行勉周擇善曾希貫蕭武同周大寧吳
輔宗宋敷政謝益輝張太極温鼎成南安府民傅
伯真胡彥機尹興祖張克顯贛州府民李宜吉孫
掌謨陳柏恭賴勝先歐志雄劉時雨李景芳曾文
受胡得弼丁名貴彭信成王叔瓚危黃孫周子智

信豐千戶所軍人餘執中各出穀一千石以上取
官賑民詔賜璽書旌勞復其家 太子少保兼都

察院左都御史蕭維禎言臣聞母計例當守制義命
奔喪奪情復任切惟君親人之大倫而孝者百行
之原使不孝於親未必能忠於君况臣職總風憲
首虧孝道何以振肅紀綱表率庶僚伏望

聖恩矜憫容臣終制詔曰君命為重再不必辭
庚辰

先是遼東軍奏巡撫副都御史李純令義男放債倚
勢害人侵匿賞軍白金及姦淫等事至是純至京

六科十三道交劾其罪特宥之御史陳述復言純貪淫久著請寘諸法不聽
辛巳

十三道監察御史練綱等言前者廷臣奏乞各營操備義勇民壯在逃及至期不起操者俱發京衛充軍終身臣等以為此輩應募之時無非欲紓國家之急及今展轉輪操已孤所望况其逃匿多係艱窘飢寒所逼弗獲已若遽譴令充軍無乃情輕罰重又法司近奉勅諭欵恤刑獄有犯強盜抵死常赦不原者尚得宥免充軍何獨於此輩律止當

杖者畧不輕宥而使之同其罰哉臣愚以為自今義勇民壯民在逃及違限者初犯再犯止令補操三犯始謫充原籍衛所軍庶刑罰得中人無枉濫從之
致仕禮部尚書楊翥卒翥字仲舉蘇州吳縣人洪熙元年大學士楊士奇薦授翰林院檢討預修

三朝實錄成歷陞編脩脩撰正統五年陞郎府長史十年致仕景泰元年自以潛郎舊僚入覲陞禮部左侍郎命食俸致仕四年復入覲進陞尚書仍致仕食俸如初翥每來覲輒條疏經國大計召對便

殿賜資稠疊時以為榮至是卒計聞令有司莖茶
翁端厚和裕存心不欺少孤極力問學為文章平
實溫和類其為人云

大明英宗睿皇帝實錄

大明英宗睿皇帝實錄
廢帝郕戾王附錄第五十四

景泰四年十二月癸未朔

太上皇帝居南宮

帝省郊祀牲給在京大興宛平二縣養濟院冬衣

布花太子少保兼都察院右都御史羅通劾監

察御史張瑄胡端追犯者贖物不即入庫巡風御

史田斌亦不嚴謹致賊盜殺出俱宜治罪命刑部

執問

甲申

復除江西按察司僉事鄭敬於河南按察司以親
喪服闋也 順天府張家灣宣課司抽分商貨各
減其鈔及收酒麪以准鈔因此以原額虧四十四
萬一千餘貫戶部因定擬中半減免二十二萬貫
從之 禮部奏朝本國王有附進物及使臣自進
附進物俱例應給直考之宣德八年賜例蘇木硫
黃每斤鈔一貫紅銅每斤三百文刀紐每把十貫
鎗每條三貫扇每把火筋每雙俱三百文抹金銅
鈔每個六貫花硯每個小帶刀每把印花鹿皮每
張俱五百文黑漆泥金灑金嵌螺甸花大小方圓

箱盒并香壘等器四每個八百文貼金灑金硯匣
并硯銅水滴每副二貫折支絹布每鈔一百貫絹
一疋五十貫布一疋當時所貢以斤計者疏黃僅
二萬二千蘇木僅一萬六百生紅銅僅四千三百
以把計者袞刀僅二腰刀僅三千五十耳今所貢
疏黃三十六萬四千四百蘇木一十萬六千生紅
銅一十五萬二千有奇袞刀四百一十七腰刀九
千四百八十三其餘紙扇箱盒等物比舊俱增數
十倍蓋緣舊日獲利而去故今倍數而來若如前
例給直除折絹布外其銅錢總二十一萬七千七

百三十二貫一百文時直銀二十一萬七千七百
三十二兩有奇矣計其貢物時直甚廉給之太厚
雖曰厚往薄來然民間供納有限况今北虜及各
處進貢者衆正宜撙節財用議令有司估時值給
之已得旨從議有司言時直生紅銅每斤銀六分
蘇木大者銀八分小者五分硫黃熟者銀五分生
者三分臣等議蘇木不分大小俱給銀七分硫黃
不分生熟俱五分生紅銅六分共銀參萬四千七
百九十兩直銅錢三萬四千七百九十貫刀劍今
每把給鈔六貫鎗每條二貫抹金銅鈔每個四貫

漆器四個六百文硯匣每副一貫五百文通計
折鈔絹二百二十九疋折鈔布四百五十九疋錢
五萬一百一十八貫其馬二疋如瓦刺下等馬例
給紵絲一疋絹九疋悉從之瓦刺也遣使臣知
院哈只等言奉旨令進貢少遣人故令使臣甚少
伏乞朝廷厚賜為幸禮部議上年使臣三千二百
餘人今使臣一千一百四十三人不及上年之半
也先正副使二人一等原賜六表裏宜量加二表
裏下程每人羊一隻也先母并弟四人及長男遣
來使臣可可等七人二等原賜二表裏宜量加一

表裏從之。寧夏總兵官都督同知張泰言永樂間
欽降大銃重三四十斤內裝石子一箇凡遇追賊
重大不便止可守城請改鑄小銅銃重八斤內裝
鐵彈子大者十三個小者二十個其發頗多亦能
持負奔遠命兵仗局同總兵官試驗之三十二百
乙酉 革雲南道海縣河泊所以課米不及千石故也

丙戌 兩番黑樓等地面三十一處男婦共一百一人來
朝貢駝七疋馬二百四十七疋騾十二疋驢十疋

玉石三百四十一塊鎖鐵腰刀四把礪砂七十六
囊賜宴并綵幣等物有差 巡撫貴州右僉都御
史蔣琳奏左布政使董和職司錢穀不能革弊致
官攢盜賣違儲宜究問之命和具實以聞琳又奏
參議李顯同男盜賣違儲等事請正其罪從之

丁亥 賞廣西征進官軍都指揮范信等一百六十六人
綵段表裏鈔絹布有差以殺獲宜山河池等處賊
首功也 巡按浙江監察御史莊欽奏鎮守右監
丞阮隨都督同知李信因吏訐告嘉興知府舒敬

悔復稱舊職斯固為美如稔惡不悛我則執言討
罪戰必勝攻必取矣又太子太傅安遠侯柳溥言
也先弒主自立所謂亂臣賊子人人得而誅之堂
堂天朝豈不能正其罪第以其夷狄置之不較若
從其偽是與其弒主也臣以為回書仍宜稱瓦剌
太師否則阻其往來不與回書被敢犯邊則興師
討之庶得中國之体詔多官并議三人所言孰為
可從五府六部翰林院都察院大理寺言自古王
者不治夷狄今也先所稱大元田盛大等號固不
可依至若可汗乃隋唐以來北狄酋長之常稱非

中國所禁朝廷回賜勅書宜稱為瓦剌可汗以羈
縻之詔禮部仍會各官酌古準今求至當歸一之
論可以行之久而無弊者以聞禮部儀制司郎中
章綸言可汗二字在中國者固為戎狄酋長之稱
在戎狄則比為皇帝之號觀其唐太宗為天可汗
元世祖為成吉思可汗可見矣嚮者脫脫不花為
可汗乃其世傳所稱名猶為近正也先弒主自稱
可汗名實不正今若因而稱之彼以為中國
天子亦稱我為可汗以誇示其羣酋羣酋畏服無復
携貳則必有窺視中原之志日後之禍未可測度

且在我中國以為苟安而將士之心必急異日對
敵誰敢當先此固不可也若仍稱為太師彼必曰
我數遣使朝貢而朝廷仍輕侮我必將犯我邊鄙
生民為之荼毒此亦不可也以臣愚見莫若賜勅
封之為敬順王或稱為瓦剌王因而賜與金帛庶
幾得用權合綏之宜詔以其奏付多官并議之

甲午

海西亦兒古黑等四十四衛野人女直指揮管女
等來朝貢馬方物賜宴及綵帶等物
命舊時隨侍懷獻太子官校九十一人今俱為墻戶

仍隸錦衣衛帶管

大同西路左參將都督僉事

石虎奏虜使入貢之後其餘黨多伏近邊馳獵無
忌請率兵巡行相機剿殺

帝以使臣在朝恐虎貪功啓釁不允所請

乙未

海西忽石門等二十三衛野人女直指揮革令哥
等烏思藏及董卜韓胡番僧列巴堅答等來朝貢
馬及方物賜宴及綵帶等物如例
命故金吾衛指揮僉事王達子宣襲職濟川衛指揮
同知張信子福通州衛指揮僉事周貴子冕南京

濟川衛指揮使郭謙子通俱代職

丙申

陞江_江南道西道監察御史李駿為廣東按察司僉

事廣西道監察御史武聰為山西僉事

陞遼東左副總兵右都督焦禮為左都督都指揮僉事劉

英署都指揮任義俱為署都指揮同知官軍三百

八十人陞賞有差以興水縣堡等處擊賊功也

免山東青州濟南萊州等三府一十八州縣景泰

四年分被災稅糧二十四萬六千三百一十四石

馬草三十三萬八千四百六十餘束

夜月犯井

宿東北第三星

丁酉

南京大理寺少卿呂昇卒昇浙江山陰縣人由舉

授溧陽縣儒學教諭以近臣荐陞江西按察司僉

事與修永樂大典後調山西按察使尋陞南京大

理寺少卿以老致仕至是卒

戊戌

朝鮮國王李孫暉遣陪臣金允壽福餘孫顏泰寧

三衛指揮可台及頭目卜阿歹等各遣韃子脫火

等來朝貢驛馬及方物賀明年正旦俱賜宴并綵

幣等物貢總品及貢物冊年五且冊具年
已矣計軒下台又自自十四年春公且錄七湖火
昌平侯楊俊奏臣父洪存日有家人楊釗等十六
人因從征有功及送進報効俱授百戶總小旗職
後後父三弟傑嗣爵上表自陳革去釗等職役猶
給俸米有二石或一石者臣今襲封受爵以來曾
無分寸自劾享有原祿以爲非分而釗等給如舊
况今邊務方殷糧用浩繁釗等既隸臣祿足以粗
給乞將其月糧停支以克別用盡臣區區犬馬報
主之誠詔曰俊武臣能約已裕衆特允其請 南

京都察院右都御史陳勉卒勉字希進江西寧
都縣人永樂丙戌進士任廣東道監察御史秩滿
陞廣東按察司副使未幾召還進左副都御史尋
改南京大理寺卿平反獄訟多所建白時論稱之
陞右都御史纔暮歲即上章乞致仕至是卒勉外
和內剛通法律多吏能臨事敏捷無負其職 月
犯軒轅右角星復生暈色赤黃圍圓濃厚
庚子

以明年大統曆日一百本賜朝鮮國王李私暉付
陪臣金允壽賚回 復除南京吏科給事中劉華

甫於兵科吏科給事中王芳於刑科南京工部郎
中陳瑛於南京禮部戶部員外郎何史訓於南京
戶部戶部主事龔敷刑部主事張純俱本部俱以
親喪服闋故也 巡按廣西監察御史沈義劾奏
左布政使夏時縱男在任經商當究其違法時奉
詔服罪命宥之 大理寺寺丞朱紱間母喪請歸
守制命奔喪紱上疏辭不允

辛丑

五府六部六科十三道等官奏比臣等議稱也先
為九刺可汗詔旨再議今給事中盧祥李鈞路璧

等執言欲但仍舊為稱太師伏乞

聖裁

帝曰也先雖桀傲亦能敬順朝廷宜如所議稱為瓦
剌可汗 免山東兗州護衛等一十衛所景泰四
年被災子粒糧二千八百二十六石有奇

壬寅

四川天全六番招討使司署招討使事高崧永寧
宣撫司土官同知王瑄馬湖府沐川等三長官司
長官悅福得等成都府寒水巡檢司土官巡檢高
隆廣西太平府息城州護印官族趙祿等來朝貢

馬賜鈔并綵幣等物
癸卯
江西撫州府民湯汝佐錢振邦何萬安陳彥舉李積吳緒四曾紹南王祿壽徐坤霄施秉倫饒嘉會危永懷計中五桂用輝章孝遜傅大本徐文夫劉擁三車倫遠桂用臧吳順昌施秉原金以莊胡世仁章繼澄徐九閔曾用者吳孟同丁光祖周林二林嵩一陳炳堅鄧伯麓呂邦翰王丕烈梅郁堅丁任澄應毛晉道紀司都紀朱紹徽各出穀一千石助官賑民詔賜璽書旌勞復其家

甲辰

戶部奏遼東軍馬數多用糧浩大宜預為措置請召商中鹽遠海三萬二衛中兩淮鹽每引米豆中半五斗五升兩浙鹽四斗長蘆鹽二斗五升鐵嶺衛中兩淮鹽每引米豆中半六斗五升兩浙鹽四斗五升長蘆鹽三斗從之
總督軍務少保兼兵部尚書于謙言即今虜雖遣使來朝實則懷奸尋釁縱施天地之恩難滿溝壑之欲揆之理勢必須兵然非得入兵難取勝今各營總兵有石亨柳溥張軌足勝其任餘如萬廣等可當一面之寄但恐

虜賊不道入寇應援之兵缺人調度天之生才代
不乏人國家養士幾百年豈無謀臣良將為國宣
力者臣器非遠大才不逮人雖有捐軀報國之心
而無匡時濟世之術若冒昧妨賢死無餘罪乞勅
文武廷臣及六科十三道推舉智畧廉正驍勇善
戰材堪重任者不次超擢庶幾將領得人醜虜可
平從之
乙巳
詔各邊操守官軍艱窘出內帑并各處公府所貯銀
道御史陳述等十一人往給之每人一兩凡銀三

十七萬二千二百七十二兩

命考給列山衛故指揮僉事撒替哈子卓令哈襲職
可令河衛老疾指揮僉事史登哥子价龍哈代職
兵部劾署都指揮僉事崔福都指揮同知黃欽
都指揮僉事方崇提督牧馬多損失且匿其數詔
執付刑部鞠之 月犯氏宿東南星

丙午

召鎮守福建少監戴細保還京命奉御來任代之
仍兼領市舶司事以巡按監察御史倪敬論細保
貪虐擾害諸不法事也兵部請治助細保為不法

者詔欲執鞠之果連細保奏聞區處

丁未

革山西應朔渾源蔚等州馬邑山陰等縣稅課局
以提大^晉同軍務左副都御史年富言其領課鈔少

也

戊申

湖廣永順等三宣慰司施南等三宣慰司高羅等
七安撫司唐崖等五長官司宣慰使彭世雄等四
川龍州等四宣撫司泥溪等五長官司宣撫薛公
輔等廣西慶遠府那地等三州土官知州羅文愈

等各遣頭目來朝貢馬及方物賜鈔并綵幣等物

旌表節婦周氏等三人周氏武城中衛舍餘凌

宣妻夫亡剪髮誓不更嫁鬻衣^珥以營葬守節三

十年教其子耀宗官至禮部員外郎宗氏順天府

大興縣民張五十妻陶氏四川建昌衛軍餘姚敬

妻俱守節年久旌其門曰貞節免山東濮州臨

清范勝等縣今年被災秋糧二萬二千三百六石

馬草一萬一百二十四束花絨一百五十七斤

己酉

禮部奏懷猷太子新薨議於立春及歲暮并孟春

時事 奏對 太廟宜如洪武間例樂設而不作自此以後仍舊用
樂後之

命山東兗州府所屬被災州縣存留糧准納菽麥後
民便也

庚戌 免直隸鳳陽所屬州縣今年被災稅麥九萬八千
八百一十三石有奇 陞兵部郎中殷謙為右道

政專理武官誥命

辛亥

立春順天府官進春
帝御奉天殿文武百官行慶賀禮 提督大同軍務
景左副都御史羊富奏山西河南真定保定臨清等
處軍民客商往大同宣府輸納糧草軍裝及販馬
身牛布絹香茶器皿果品先是從紫荆倒馬二關入
太僕因過紫荆關者須赴後府給勘合以此俱從倒
馬關入近守關者又請如紫荆關例間有復回真
定井陘遠過太原却從鴈門關入者迂回千五百
里費用過當客商稍稍不至由是大同物價湧貴
不便宜令如舊止持文引驗視不必赴府給勘合

從之直令世蕃五林文信錫賦不凶其命
壬子田區當各備蘇蘇不空由是共同
歲暮到盡區大氣時外無門入者上回千五百
帝享散心並平斷去入靜以紫條所開所回真
太廟因以明時正旦遣官祭
長陵
獻陵
景陵
遣太常寺官祭五祀之神
直遣旗手衛官祭
旗燾之神
發宣府官庫銀賑濟直隸隆慶州遭
寇復業貧民從提督宣府軍務右僉都御史李秉

奏請也
是歲致仕雲南左布政使應履平山西
左布政使王瑛四川按察使茅惟揚卒履平浙江
奉化縣人由進士歷任德化知縣積勲郎中獻河
清賦陞常德知府秩滿陞貴州按察使正統中奉
勅同尚書王驥平麓川苗賊進雲南左布政使尋
乞致仕為人剛直不阿所至祛除蠹民多便之且
嘗論列時政多見采納瑛福建長汀縣人由監生
歷戶部主事員外郎陞山西布政司左叅議尋陞
布政使為人廉謹所至皆有能名景泰初致仕惟
揚浙江慈谿縣人由進士歷監察御史四川按察

僉事河南副使四川按察使致仕為人廉慎寡慾
但乏風紀之才是歲天下戶口戶九百三十八
萬四千三百三十四口五千三百三十六萬九千
四百六十田地四百二十六萬七千三十六頃四
十七畝田賦米麥二千六百六十萬二千六百五
十八石絹二十九萬二千四百八十三疋絲六萬
四千三百二十九斤綿一十八萬五千七百一十
斤布一十三萬一千一百六疋綿花一十八萬五
千二十六斤折色鈔七萬八千三百二十四錠雜
課鈔九百三十八萬九百三十九錠米麥五萬二

六千四百五十九石鐵七萬四千五百八十三斤布
一千一十四疋鹽課鹽二百九十九萬五千六百
三十二引折色鈔一千五百一十七萬九千二百
五十七錠米五十萬五千八百石布七百八十六疋
茶課茶五十五萬三千七百五十一斤折色錠一
十八萬九千四百七十四貫屯田子粒二百八十
七萬九千五百六十九石採納水銀九百四十四
斤硃砂一百六十二斤綠二百五十五斤雄黃三
十斤漕運北京積運過米四百二十五萬五千石
各處運納糧二百一十四萬七千四十九石減免

天下官田等項稅糧計米麥四萬八千九百七十

七石

北地

一萬五千五百六十二石

十八萬五千四百五十二石

茶稅

五十五萬五千八百一十二石

二十一萬五千四百五十二石

一十一萬五千四百五十二石

大明英宗睿皇帝實錄

萬曆四十二年

